
“ТАШАББУСЛИ БЮДЖЕТ” МАБЛАҒЛАРИ ХАЛҚИМИЗ МАНФААТИГА ЙЎНАЛТИРИЛМОҚДА

Давлатимиз раҳбари ва бевосита Ўзбекистон Республикаси ҳукуматининг эътибори доирасида туманимизда кенг қўламли қурилиш-таъмирлаш, бунёдкорлик ва ободонлаштириш ишлари олиб борилаётир. Бу ишларнинг барчаси фуқароларимиз манфаатини кўзлаб амалга оширилаётгани билан ҳам аҳамиятлидир.

Худудларда амалга оширилаётган ишлар натижаси ўлароқ, ҳалқимизни қийнаётган муаммо ва камчиликлар ҳам босқичма босқич ўз ечимини топмоқда. Маҳалаллардаги кўчалар ва ички йўللارни асфальтлаштириш ва бетонлаштириш ишлари ҳам берилаётган ушбу эътибор самарасидир.

Айни кунда туманимизнинг 3 ва 4-сектори ҳудудида, айниқса, Себзор, Чумоқча ва Зангат маҳалла фуқаролар йиғинларида ички кўчаларни бетонлаштириш ва асфальтлаштириш ишлари олиб борилмоқда. 3-сектор раҳбари, туман ички ишлар бўлими бошлиғи Қосимжон Раҳимбердиев маълумотига кўра, ўтаётган йилнинг шу муддати давомида сектор ҳудудида қарийб 10 километр йўллар таъмирланди. Кун кеча Себзор маҳалласининг “Матонат” кўчаси ҳам тўлиқ асфальтлаштириб, Себзорликларга тақдим этилди.

Тақдимот маросимида иштирок этган туман ҳокими Сайидбаҳром Сайидмусаев, туман ички ишлар бўлими бошлиғи Қосимжон Раҳимбердиев, туман прокурори Садирали Мирзокаримовлар маҳалла аҳлини ушбу сана билан табрикладилар. Себзорликлар ҳам ўз навбатида, берилаётган эътибор туфайли самимий миннатдорчиликларини билдирдилар.

Шуни айтиш ўринлики, бугун “Ташаббусли бюджет” маблағлари орқали ҳудудларимиз янада обод гўшага айланмоқда. Себзор маҳалласидаги 3 километр кўчани асфальтлаштириш учун “Ташаббусли бюджет” маблағларидан 960 миллион сўм маблағ йўналтирилган.

Сўх тумани ҳокимлиги Ахборот хизмати

[Бизни ижтимоий тармоқларда кузатинг Facebook | Telegram | Telegram murojaat | Youtube | Instagram](#)

2022-10-22 18:28:30